



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno CCCCLII. ad annum CCCCLXXX.

Parisiis, 1644

Dilectissimis Fratribvs Et In Christi nomine venerandis, Seueriano & Juliano
Marcellus Memorialis.

urn:nbn:de:hbz:466:1-14918

DILECTISSIMIS FRATRIBVS ET IN
*Christi nomine venerandis, Seueriano & Juliano
Marcellus Memorialis.*

AMPLECTOR alacriter iussionem qua mihi amanter atque in Domino fiducialiter imperastis, vt totius membra negotii, & articulos actionis, quod per istud volumen actorum, prosecutiones partium per longos explicuere conflictus, modulata per me breuitas distinguat & colligat: atque huic operi sola caritate me sentio fateorque sufficere. Ad omnem quippe delegati muneris obsequelam, efficaciores vires habet qui preceptis amore iubentium, quam qui fiducia sui paret. Ac iam quidem in hanc operationem qua in ecclesie negotio pro singulorum viribus laboratum est, quantum mea mediocritas potuit, officii mei symbolam dedi: quod a viro spectabili, & in quo plurimum insigne probitatis est, tribuno & notario Marcellino curarum adscitus in partem, non tam merito meo, quam dignatione censentis, communicauit cum iudice librande disceptationis laborem. Sed hoc quoque quod me facere voluistis, peculiariter adhibere non piguit. Quandoquidem mihi non minor in eadem re voluptas & gloria est, soluisset nunc fratribus votum, quam cognitori tunc prebuisse consilium. Quidquid igitur laxius a partibus peroratum est, & quidquid interfatibus iudicantis utrobique signatum est, sedula breuiatione succinxi, consequenter affigens etiam per ordinem notas calculantibus familiares, vt inquirentis intentio iudicem secuta breuitatem, ad id quod deprehendere velit in paginis actionis, non absque commoditate compendii, numeris duobus directa perueniat. Abusi videamur fortassis otio, dum ad laborem superflua reuocamus. quod nos vere superflue fecisse fateremur, si in tota voluminum serie perlegenda, habiles esse vellent homines ad laborem. Sed periniquum est eos de istius diligentie velut quadam inanitate causari, a quibus si in perlegendis iugiter paginis disputationis huiusce non inanis diligentia flagitetur, eam non esse diligentiam, sed molestiam con-

fitentur. Vnde, quantum ego arbitror, non opus irritum lusimus, qui fastidia lectionis remedio breuitatis exclusimus. Certe, si ex ipsius operationis atque vtilitatis effectu, absolutum esse non poterit, quod vanus labor iste non fuerit: idcirco tamen non ineptum est quidquid hic egi, quia in hoc vobis iubentibus parui. Nunc orauerim, vt in vicissitudinem meriti pro me orare dignemini. Ita enim fiet, vt quod sponte facitis, mihi tamen cedat in remunerationem. Omnipotentia Trinitatis, id est, omnipotentia Dei nostri, caritatem vestram iugiter nostri memorem perpetua pietate custodiat, domini merito dilectissimi, & in Christi nomine venerabiles fratres.

CAPITVLA GESTORVM

prima cognitionis.

- | | |
|---|--|
| I. De astante officio. | XIII. Interlocutio quod suo ordine omnia peragi debent, & iubet recitari quae dixerat. |
| II. De ingressis episcopis. | XIV. Recitatio notariae Donatistarum, in qua sibi edictum asserunt displicere. |
| III. Interlocutio de qualitate negotii, vbi iubet sibi cognitior imperiale praeceptum recitari. | XV. Interlocutio vt catholicorum epistola legeretur. |
| IV. Recitatio imperialis praecepti de habenda collatione. | XVI. Recitatio epistola catholicorum, in qua edicto consentiunt, & conditiones Donatistis proponunt. |
| V. Recitatio edicti per quod congregari episcopis iubet. | XVII. Recitatio edicti, in quo se omnia publicaturum populo pollicetur. |
| VI. Interlocutio de alio iudice eligendo. | XVIII. Vbi recitatur rescriptum catholicorum respondentium notariae Donatistarum. |
| VII. Responsio Donatistarum, de iudice non postulato. | XIX. Interlocutio de catholicorum consensione, vbi & illi interrogantur, vtrum consentiant? |
| VIII. Interlocutio quod collatio fuerit postulata, non iudex. | XX. Prosecutio Donatistarum de tempore & de personis. |
| IX. Responsio Donatistarum, vt hi proponerent, qui collationem petissent. | XXI. Interlocutio vt certus numerus constituatur actorum secundum lectum edictum. |
| X. Recitatio edicti, vbi dicit qui modus & locus collationi sit aptus, & quoteni deberent esse ab utrisque partibus, qui causam peragerent. | XXII. Donatistarum prosecutio de tempore exempto, vt iam nihil ageretur instantium. |
| XI. Vbi iubet cognitior recitari quae ante collationem pars vtraque peregerit. | |
| XII. Prosecutio Donatistarum similis praecedenti. | |